



# **SLUŽBENE NOVINE**

## **OPĆINE MAGLAJ**

**BROJ**  
**13/23**

**Maglaj, 30.11.2023. godine**

„Službene novine Općine Maglaj“  
Izdaje: Služba Općinskog načelnika i Općinskog vijeća  
Općina Maglaj, Viteška 4, Maglaj  
Za izdavača: Mirsad Mahmutagić – Općinski načelnik Maglaj  
Tel.: 032/465-810; Fax: 032/465-817; E-mail: [vijece@maglaj.ba](mailto:vijece@maglaj.ba)

**AKTI OPĆINSKOG VIJEĆA****449.**

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 18. Statuta Općine Maglaj-prečišćen tekst ("Službene novine Općine Maglaj", br. 8/07, 3/08 i 6/08), a u vezi sa aktom Nadzornog odbora KJD d.o.o. Maglaj, broj: 01-1408-5/23 od 07.10.2023. godine, Općinsko vijeće Maglaj na 32. redovnoj sjednici, održanoj 23.11.2023. godine i 29.11.2023. godine, donosi

**ODLUKU****o davanju saglasnosti za konačno imenovanje direktora Komunalnog javnog društva d.o.o. Maglaj****Član 1.**

Nadzornom odboru Komunalnog javnog društva d.o.o. Maglaj daje se saglasnost za konačno imenovanje Šefke Hasanić za direktora Komunalnog javnog društva d.o.o. Maglaj za naredni četverogodišnji mandat.

**Član 2.**

Ova Odluka stupa na snagu danom donošenja i ima se objaviti u "Službenim novinama Općine Maglaj".

Broj: 02-04-1-1985/23

Maglaj, 29.11.2023. godine

**PREDSJEDAVAJUĆA  
Aida Bašić s.r.****450.**

Na osnovu člana 238. Zakona o privrednim društvima ("Službene novine Federacije BiH", br. 81/15 i 75/21), člana 6. Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine ("Službene novine Federacije BiH", br. 20/16, 3/17, 9/17, 69/17 i 96/17) i člana 18. Statuta Općine Maglaj – prečišćen tekst ("Službene novine Općine Maglaj", br. 8/07, 3/08 i 6/08), a u vezi sa aktom Nadzornog odbora KJD d.o.o. Maglaj broj: 01-1356-3/23 od 25.09.2023. godine, Općinsko vijeće Maglaj na 32. redovnoj sjednici, održanoj 23.11.2023. godine i 29.11.2023. godine, donosi

**ODLUKU****o davanju ovlaštenja punomoćniku za zastupanje Općinskog vijeća Maglaj na Skupštini „KJD“ d.o.o. Maglaj****Član 1.**

Daje se ovlaštenje Sadini Bašić da u svojstvu punomoćnika zastupa Općinsko vijeće Maglaj, kao udjelničara sa 76, 01176% udjela u osnovnom kapitalu „KJD“ d.o.o. Maglaj, na 13. redovnoj Skupštini „KJD“ d.o.o. Maglaj.

**Član 2.**

Predsjedavajuća Općinskog vijeća Maglaj ovlašćuje se za potpisivanje pojedinačne prijave i punomoći sa obavezujućim uputstvom o načinu glasanja po pojedinim tačkama dnevnog reda 13. redovne Skupštine „KJD“ d.o.o. Maglaj.

**Član 3.**

Ova Odluka stupa na snagu danom donošenja i objavit će se u "Službenim novinama Općine Maglaj".

Broj: 02-04-1-1986/23

Maglaj, 29.11.2023. godine

**PREDSJEDAVAJUĆA  
Aida Bašić s.r.****451.**

Na osnovu člana 363. stav (3) Zakona o stvarnim pravima ("Službene novine Federacije Bosne i Hercegovine", br. 66/13 i 100/13), člana 4. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine Federacije Bosne i Hercegovine", broj: 17/14), člana 18. alineja 6. i 19. Statuta Općine Maglaj ("Službene novine Općine Maglaj", br. 8/07, 3/08 i 6/08) i člana 37. Odluke o građevinskom zemljištu općine Maglaj („Službene novine Općine Maglaj“, br. 4/19 i 6/19), Općinsko vijeće Maglaj na 32. redovnoj sjednici, održanoj 23.11.2023. godine i 29.11.2023. godine, d o n o s i

**ODLUKU****o prodaji nekretnine neposrednom pogodbom Jusufbašić (Mahmut) Asimu iz Maglaja, radi oblikovanja građevinske parcele****Član 1.**

Formira se građevinska parcela za postojeći blok stambenog objekta u vlasništvu Jusufbašić (Mahmut) Asima iz Maglaja, na Grafičkom prikazu Plan parcelacije Regulacionog plana „Maglaj Centar – južni dio“ označena brojem 28/1, koju čini zemljište označeno sa:

- dio k.č.br. 2363, tj. zemljište koje leži ispod stana podnosioca zahtjeva, odnosno etažne

jedinice označene sa 2363/EJ1, koja je upisana u etažni zemljišnoknjižni uložak broj 6900 k.o. Maglaj, sa suvlasničkim dijelom od 62/124 na predmetnoj nekretnini, povezano sa vlasništvom na posebnom dijelu zgrade (STAN broj 1 površine od 62 m<sup>2</sup>), etažni vlasnik Jusufbašić (Mahmut) Asim sa 1/1.

Predmetna parcela, k.č.br. 2363 zvana „D. Cvijanovića 7“, u naravi je prizemna zgrada u kojoj se nalaze dvije etažne jedinice i ima ukupnu površinu od 176 m<sup>2</sup>. Upisana je u zemljišnoknjižni uložak broj 5137 k.o. Maglaj, gdje u A2 listu stoji da je na njoj uspostavljeno etažno vlasništvo, i

- **k.č.br. 2360/10 „Građevinski plac“ dvorište površine 143 m<sup>2</sup>**, upisana u posjedovni list broj 287 k.o. Maglaj, posjednik Općina Maglaj sa 1/1, po katastru zemljišta, a po zemljišnoj knjizi odnosi se na **k.č.br. 2360/10 „Građevinski plac“ dvorište površine 143 m<sup>2</sup>**, upisana u zemljišnoknjižni uložak broj 4684 k.o. Maglaj, pravo vlasništva Općina Maglaj sa 1/1.

### Član 2.

Prodaje se neposrednom pogodbom Jusufbašić (Mahmut) Asimu iz Maglaja, radi oblikovanja građevinske parcele, nekretnina - zemljište iz člana 1. alineja 2. ove Odluke, označeno sa:

- **k.č.br. 2360/10 „Građevinski plac“ dvorište površine 143 m<sup>2</sup>**, upisana u posjedovni list broj 287 k.o. Maglaj, posjednik Općina Maglaj sa 1/1, po katastru zemljišta, a po zemljišnoj knjizi odnosi se na **k.č.br. 2360/10 „Građevinski plac“ dvorište površine 143 m<sup>2</sup>**, upisana u zemljišnoknjižni uložak broj 4684 k.o. Maglaj, pravo vlasništva Općina Maglaj sa 1/1,

**po cijeni od 60,00 KM po 1m2, što ukupno iznosi 8.580,00 KM**, uz obavezu isplate cjelokupnog iznosa kupoprodajne cijene u roku od 15 dana od dana zaključenja ugovora o kupoprodaji, na žiro-račun Budžeta Općine Maglaj broj: 199-046-00032516-34, vrsta prihoda 722 449, općina 060.

Općina Maglaj zadržava pravo izvođenja potrebnih radova vezanih za instalacije javne rasvjete i eventualno postavljanje drugih instalacija u dijelu zemljišta – uz javni put, u cijeloj širini ili dužini građevinske parcele broj 28/1, te se Jusufbašić (Mahmut) Asim iz Maglaja, obavezuje dozvoliti Općini Maglaj izvođenje istih.

Predaju nekretnine iz stava 1. ovog člana u posjed kupcu izvršit će Služba za urbanizam, geodetske i imovinsko-pravne poslove Općine Maglaj, nakon isplate cjelokupnog iznosa kupoprodajne cijene i plaćenih troškova postupka.

Troškove notarske obrade ugovora o kupoprodaji, takse za uknjižbu i sve ostale troškove koji se odnose na kupoprodaju nekretnine iz stava 1. ovog člana, snosi kupac.

### Član 3.

Ovlašćuje se Općinski načelnik Mirsad Mahmutagić, da u ime Općine Maglaj, kao prodavcem, na osnovu ove Odluke i pribavljenog mišljenja Općinskog pravobranioca Općine Maglaj, sa Jusufbašić (Mahmut) Asimom iz Maglaja, kao kupcem, zaključi ugovor o kupoprodaji nekretnine iz člana 2. ove Odluke, a prema uvjetima iz člana 2. ove Odluke.

### Član 4.

Obavezuje se Jusufbašić (Mahmut) Asim iz Maglaja, da u roku od 8 /osam/ dana od dana donošenja ove Odluke, uplati troškove postupka – naknadu za vršenje usluga u iznosu od **260,00 KM**, na žiro-račun Budžeta Općine Maglaj broj 199-046-00032516-34, naknada za vršenje usluga, vrsta prihoda 722 516, općina 060, a dokaz o izvršenoj uplati dužan je dostaviti Službi za urbanizam, geodetske i imovinsko-pravne poslove Općine Maglaj.

### Član 5.

Za sprovođenje ove Odluke zadužuju se Općinski načelnik, Služba Općinskog načelnika i Općinskog vijeća i Služba za urbanizam, geodetske i imovinsko-pravne poslove Općine Maglaj.

### Član 6.

Ova Odluka stupa na snagu narednog dana od dana objavljivanja u “Službenim novinama Općine Maglaj”.

Broj: 02-04-1-1989/23

Maglaj, 29.11.2023. godine

**PREDSJEDAVAJUĆA**  
**Aida Bašić s.r.**

**452.**

Na osnovu člana 5. Zakona o koncesijama (“Službene novine Federacije Bosne i Hercegovine”, broj: 40/02) i člana 1. Zakona o dopunama Zakona o koncesijama (“Službene novine Federacije Bosne i Hercegovine”, broj: 61/06), člana 8. i 56. Zakona o

principima lokalne samouprave ("Službene novine Federacije Bosne i Hercegovine", broj: 49/06), člana 18. Statuta Općine Maglaj - prečišćeni tekst ("Službene novine Općine Maglaj", br. 08/07, 03/08 i 06/08), Općinsko vijeće Maglaj na 25. redovnoj sjednici, održanoj 23.11.2023. godine i 29.11.2023. godine, donosi

### **ODLUKU**

#### **o izmjenama i dopuni Odluke o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu "Klanci" K.O. Strupina, općina Maglaj**

##### **Član 1.**

U Odluci o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu "Klanci" K.O. Strupina, Općina Maglaj ("Službene novine Općine Maglaj", broj: 10/23) član 2. mijenja se i glasi:

„Koncesioni prostor istražno eksploatacionog polja iz člana 1. ove Odluke obuhvata prostor od 11,78 ha i nalazi se u obuhvatu Prostornog plana Opštine Maglaj („Službeni glasnik Opštine Maglaj“ br. 2/90 i 1/13). Prostornim planom Opštine Maglaj navedeno područje nije označeno kao rudarski prostor, isto se nalazi izvan urbanog područja Strupina te na istom nije određena neka druga namjena ovog prostora i sa aspekta planske dokumentacije Općine Maglaj nema smetnje da se ovo područje odredi kao koncesioni prostor za istraživanje i eksploataciju mineralnog resursa lertzolita, a koji će se definisati kao prostor za eksploataciju mineralnih resursa u novom prostornom planu Općine Maglaj koji je u izradi.

Prema podacima iz katastra zemljišta i zemljišne knjige koncesioni prostor istražno eksploatacionog polja obuhvata dio nekretnine označene sa:

- k.č. broj 9/1 „Bijeli Klanci“ šuma 4. i 6. klase ukupne površine 3036280 m<sup>2</sup>, upisana u pl. broj 26 k.o. Strupina, posjednik Tvornica Natron sa 1/1, po katastru zemljišta, a prema podacima zemljišne knjige odnosi se na k.č. broj 9/1 u istoj površini upisana u zk. uložak broj 27 k.o. Strupina, Državna svojina sa 1/1, Organ upravljanja Zeničko-dobojski kanton - Kantonalna uprava za šumarstvo.“

##### **Član 2.**

U članu 3. riječi „daje se na period od tri (3) godine, odnosno dok traju radovi na izgradnji Koridora V C, na dionici Medakovo – Ozimice“ mijenjaju se i glase „daje se na period od tri (3) godine.

##### **Član 3.**

Iza člana 8. dodaje se novi član 8a. koji glasi:

„, Član 8a.

Obaveze koncesionara iz čl. 6., 7. i 8. ove Odluke regulisat će se sporazumom između Općine Maglaj i budućeg koncesionara, a koji će se zaključiti nakon donošenja odluke o izboru koncesionara a prije zaključivanja koncesionog ugovora.“

##### **Član 4.**

Ova Odluka stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-1991/23

Maglaj, 29.11.2023. godine

**PREDSJEDAVAJUĆA**  
**Aida Bašić s.r.**

### **453.**

Na osnovu člana 42, 45, 46, 47, 48 i 50 Zakona o prostornom uređenju i građenju Zeničko –dobojskog kantona ("Službene novine Zeničko-dobojskog kantona" broj: 01/14), člana 18. Statuta Općine Maglaj - prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj, na 32. redovnoj sjednici, održanoj 23.11.2023 godine i 29.11.2023. godine, donosi

### **ODLUKU**

#### **o usvajanju djelimične Izmjene Regulacionog plana „NOVI ŠEHER“**

##### **Član 1.**

Ovom Odlukom usvaja se djelimična izmjena Regulacionog plana "NOVI ŠEHER" („Službene novine Općine Maglaj“, broj: 07/09).

**Zahtjev: Pervan Zoran iz Novog Šehera**

##### **Član 2.**

Djelimična Izmjena Regulacionog plana obuhvata područje Regulacionog plana „NOVI ŠEHER“ općina Maglaj, zemljište označeno sa k.č. br. 1015/17 površine 784 m<sup>2</sup> i 1015/3 površine 2394 m<sup>2</sup> upisane u pl. br. 960 k.o. Novi Šeher, posjednik Pervan (Marka) Zoran sa dijelom 1/1 .

Djelimičnom izmjenom Regulacionog plana, po zahtjevu Pervan Zorana iz Novog Šehera, bi se u odnosu na opredjeljenu namjenu po Regulacionom planu i planiranu izgradnju stambenih objekata i utvrđenog saobraćajnog rješenja izvršile korekcije

planiranog saobraćajnog rješenja te prema istom korigovala namjena i razmještaj objekata, položaj, gabarit i uspostavljene građevinske linije, i predviđena parcelacija.

Korekcije planirane saobraćajnice bi se izvršile u dijelu vlasničkog zemljišta Pervan Zorana tako što bi se ista u tom dijelu ukinula kao i predviđeni most preko rijeke Liješnica, te bi se most i saobraćajnica predvidjeli južno uz već uspostavljeni prilaz do riječnog pojasa rijeke Liješnice koji veže uz regionalni put 474 Perkovići – Novi Šeher.

Planirano rješenje lokacije mosta sa saobraćajnicom se uklapa u planirano saobraćajno rješenje sa u širem obuhvatu, odnosno u već planiranu saobraćajnicu sa desne strane rijeke Liješnica.

U odnosu na korekcije planirane saobraćajnice izvršile bi se izmjene namjene i planirane parcelacije u okviru zemljišta Pervan Zorana i zemljišta k.č. br. 1015/17 na kojem postoji izgrađen poslovno stambeni objekat te bi se opredjelila dogradnja istog, a u okviru zemljišta k.č. broj 1015/3 predvidjela bi se izgradnja poslovno – stambenog objekta.

Prilaz do navedenog zemljišta je sa regionalnog puta 474 Perkovići – Novi Šeher.

### Član 3.

Izmjena Regulacionog plana sastoji se od **Tekstualnog i Grafičkog dijela.**

#### TEKSTUALNI DIO:

Urbanistička osnova

Urbanistički koncept izgradnje i uređenja prostora

Smjernice za provođenje djelimične izmjene Regulacionog plana „NOVI ŠEHER“

#### GRAFIČKI DIO: Tematske karte

Izvod iz važećeg Regulacionog plana sa granicom obuhvata izmjene

Postojeće stanje prostornog uređenja

Postojeća parcelacija

Postojeće stanje infrastrukture

Plan parcelacije

Plan Namjene i Razmještaja objekata

7. Plan Regulacionih i Građevinskih linija

8. Plan Infrastrukture

### Član 4.

Odluka stupa na snagu osmog dana od dana objavljivanja u „Službenim novinama Općine Maglaj“.

Broj: 02-04-1-1992/23

Maglaj, 29.11.2023. godine

**PREDSJEDAVAJUĆA**  
**Aida Bašić s.r.**

### 454.

Na osnovu člana 42, 43, 45, 46, 47, 48 i 50 Zakona o prostornom uređenju i građenju Zeničko – dobojskog kantona ("Službene novine Zeničko – dobojskog kantona" broj 01/14 i 4/16), i člana 18. Statuta Općine Maglaj-prečišćen tekst („Službene novine općine Maglaj“ broj: 8/07, 3/08 i 6/08) Općinsko vijeće Općine Maglaj, na 32. redovnoj sjednici, održanoj 23.11.2023. godine i 29.11.2023. godine, d o n o s i

### ODLUKU

#### o pristupanju djelimičnoj izmjeni Regulacionog plana "Maglaj Centar – južni dio"

### Član 1.

#### (Vrsta dokumenta)

Ovom Odlukom pristupa se djelimičnoj Izmjeni Regulacionog plana "Maglaj Centar – južni dio" („Službene novine općine Maglaj“ broj: 04/07)

**Zahtjev „AICOMP“ d.o.o. Maglaj**

### Član 2.

#### (Granice područja za koje se dokument mijenja)

Izmjena Regulacionog plana obuhvata zemljište označeno sa k.č.br. 2347, „SAVIĆA DOM“ Kuća zgrada površine 457m<sup>2</sup>, upisana u PL. broj: 3179, POSJEDNIK "Natron – Hayat" d.o.o. Maglaj sa dijelom 1/1 dio k.č. broj: 2348/1 OKO SAVIĆA DOMA, pomoćna zgrad površine 22 m<sup>2</sup> i dvorište površine 4972 m<sup>2</sup>, posjednik Općina Maglaj sa dijelom 1/1 koje se nalazi u ulici, Srebreničkih žrtava rata (lokacija postojećeg objekta „SAVIĆA DOM“)

Izmjenom Regulacionog plana, bi se u odnosu na opredjeljenu namjenu po Regulacionom planu, i opredjeljenu izgradnju Poslovno stambenog objekta na mjestu postojećeg objekta „SAVIĆA DOM“ na zemljištu k.č. broj: 2347, na dijelu suvlasničkog zemljišta označenog sa k.č. broj: 2347/EZ1U1J1 površine 114,72 m<sup>2</sup>, odnosno POSLOVNOG PROSTORA u prizemnom dijelu objekta, izvršile izmjene te sa jugoistočne strane prema ulici Srebreničkih žrtava rata predvidjelo proširenje poslovnog prostora u površini od cca 130 m<sup>2</sup> na prostoru koji veže uz objekat „Savića Dom“, odnosno dijelu zemljišta k.č. broj: 2348/1 čiji je posjednik Općina Maglaj.

Izmjenom Regulacionog plana mijenjalo bi se i planirano stanje na suvlasničkom dijelu „Natron – Hayat“ d.o.o. koje je predviđeno planskom dokumentacijom tako da bi se preostali dio objekta „Savića dom“ zadržao u postojećem stanju

izgrađenosti u skladu sa stavom „Natron –Hayat“ d.o.o. koji je iznesen u aktu broj:R-161-a/23 od 01.11.2023. godine u kojem je izneseno da:  
-„Natron-Hayat“ d.o.o. Maglaj trenutno nema interes za realizacijom planiranog objekta po trenutno važećoj planskoj dokumentaciji, odnosno rušenja postojećeg objekta i izgradnje novog poslovno stambenog objekta u planiranoj veličini i obliku, sa proširenjem prema ulici Srebreničkih žrtava rata, te da „Natron-Hayat“ d.o.o. Maglaj je saglasan sa izmjenom Regulacionog plana na objektu „Savića dom“, na zemljištu k.č. broj: 2347, koji je podnesen od strane firme „Aicomp“ d.o.o. Maglaj, koja je suvlasnik predmetnog objekta. tj. saglasan je da se predvidi dogradnja objekta u dijelu prema zahtjevu podnosioca, a da se u preostalom dijelu zadrži postojeće stanje, izmjenom Regulacionog plana mijenjalo bi se i planirano stanje na suvlasničkom dijelu „Natron –Hayat“ d.o.o. koje je predviđeno planskom dokumentacijom tako da bi se preostali dio objekta „Savića dom“ zadržao u postojećem stanju izgrađenosti.

### **Član 3.**

#### **(Vremenski period)**

Vremenski period za koji se radi izmjena i dopuna Regulacionog plana je do važenja postojećeg planskog dokumenta prostornog uređenja (Regulacionog plana "Maglaj Centar - južni dio").

### **Član 4.**

#### **(Smjernice za izradu)**

Nosilac pripreme plana (Općina Maglaj) osigurat će Nosiocu izrade potrebnu dokumentaciju značajnu za donošenje izmjena i dopuna „Regulacionog plana u skladu sa odredbama Zakona o prostornom uređenju i građenju.

### **Član 5.**

#### **(Rok izrade)**

Rok izrade Izmjene i dopune Regulacionog plana bit će određen od strane Nosioca izrade Izmjene Regulacionog plana.

### **Član 6.**

**(Sadržaj i postupak izmjene planskog dokumenta)**  
Djelimična Izmjena Regulacionog plana "Maglaj Centar –južni dio" sadržavat će dokumentaciju predviđenu Zakonom o prostornom uređenju i građenju.  
Postupak izmjene Regulacionog plana provodit će se u skladu sa članom 50. navedenog Zakona, stav 1. (redovni postupak).

### **Član 7.**

#### **(Javna rasprava i javni uvid)**

U skladu sa odredbama Zakona (člana 50. stav 1.) Nacrt Izmjene i dopune Regulacionog plana stavlja se na javni uvid i javnu raspravu.  
Dužina trajanja javne rasprave i javnog uvida Izmjene Regulacionog plana, bit će određena u Odluci o usvajanju Nacrta Izmjene Regulacionog plana.

### **Član 8.**

#### **(Finansiranje)**

Sredstva za izradu Izmjene Regulacionog plana obezbjedit će podnosioc zahtjeva „AICOMP“ d.o.o. Maglaj.

### **Član 9.**

#### **(Nosilac pripreme)**

Nosilac pripreme plana je Načelnik Općine putem Službe za urbanizam geodetske i imovinsko pravne poslove.

### **Član 10.**

#### **(Nosilac izrade)**

Nosilac izrade Izmjene Regulacionog plana bit će određen u skladu sa čl.45. Zakona o prostornom uređenju i građenju.

### **Član 11.**

#### **(Stupanje na snagu)**

Ova Odluka stupa na snagu osmog dana od dana objavljivanja u „Službenim novinama Općine Maglaj“.

Broj: 02-45-1-1993/23

Maglaj, 29.11.2023. godine

**PREDSJEDAVAJUĆA**

**Aida Bašić s.r.**

**455.**

Na osnovu člana 12. stav (3) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 34/03 i 65/13), člana 64. Zakona o zdravstvenoj zaštiti ("Službene novine Federacije BiH" br. 46/10 i 75/13), člana 13. Odluke o postupcima, standardima i kriterijima imenovanja na pozicije u reguliranim organima Općine Maglaj ("Službene novine Općine Maglaj", broj: 2/17) i člana 18. Statuta Općine Maglaj – prečišćen tekst ("Službene novine Općine Maglaj" br 08/07, 03/08 i 06/08), a nakon provedenog postupka po Javnom oglasu za imenovanje/nominovanje kandidata na upražnjene

pozicije u reguliranim organima Općine Maglaj i predložene liste kandidata za člana Upravnog odbora JU "Dom zdravlja" Maglaj, Općinsko vijeće Maglaj na 32. redovnoj sjednici, održanoj 23.11.2023. godine i 29.11.2023. godine, d o n o s i

### **RJEŠENJE**

#### **o konačnom imenovanju člana Upravnog odbora JU "Dom zdravlja" Maglaj**

##### **I**

U Upravni odbor JU "Dom zdravlja" Maglaj imenuje se Uma Isić.

##### **II**

Mandat imenovanog člana Upravnog odbora JU "Dom zdravlja" Maglaj traje do isteka mandata imenovanog Upravnog odbora, uz mogućnost ponovnog imenovanja u skladu sa zakonom.

##### **III**

Ovo Rješenje stupa na snagu danom donošenja, a objavit će se u "Službenim novinama Općine Maglaj"

Broj: 02-04-1-1994/23  
Maglaj, 29.11.2023. godine

**PREDSJEDAVALA**  
**Aida Bašić s.r.**

**456.**

Na osnovu člana 18. Statuta Općine Maglaj – prečišćen tekst („Službene novine Općine Maglaj“, br. 08/07, 03/08 i 06/08) i Zaključka Općinskog vijeća Maglaj broj: 02-04-1-1706-2/23 od 12.10.2023. godine, Općinsko vijeće Maglaj na 32. redovnoj sjednici, održanoj 23.11.2023. godine i 29.11.2023. godine, donosi

### **RJEŠENJE**

#### **o imenovanju Komisije za nadležnost koordinacije i praćenje efekata provedbe propisa, pružanja komunalnih usluga i cijena prema krajnjim korisnicima**

##### **Član 1.**

Imenuje se Komisija za nadležnost koordinacije i praćenje efekata provedbe propisa, pružanja komunalnih usluga i cijena prema krajnjim korisnicima u sastavu:

1. Aida Bašić, predsjednica
2. Aida Hadžić, članica

3. Adis Abdurahmanović, član
4. Senad Šehić, član
5. Mirza Mešić, član
6. Elvir Vehabović, član
7. Mustafa Bešić, član

##### **Član 2.**

Komisija iz člana 1. ovog Rješenja nadležna je da:

- u koordinaciji sa Upravom Komunalnog javnog društva d.o.o. Maglaj prati i utvrdi efekte provođenja Odluke o utvrđivanju cijena isporuke vode, odvodnje kanalizacije i prikupljanja i odvoza komunalnog otpada i ostalih propisa,
- utvrdi opravdanost cijena i kvalitete komunalnih usluga koje su pružene krajnjim korisnicima,
- u koordinaciji sa Upravom i Nadzornim odborom Komunalnog javnog društva d.o.o. Maglaj predloži Općinskom vijeću Maglaj mjere za efikasnije pružanje komunalnih usluga i eventualne korekcije cijena iz Odluke o utvrđivanju cijena isporuke vode, odvodnje kanalizacije i prikupljanja i odvoza komunalnog otpada, kao i donošenje drugih potrebnih propisa.

##### **Član 3.**

Rok za izvršenje poslova iz člana 2. ovog Rješenja je četiri (4) mjeseca od dana donošenja Rješenja.

##### **Član 4.**

Donošenjem ovog Rješenja stavlja se van snage Rješenje broj: 02-04-1-1719/23 od 12.10.2023. godine.

##### **Član 5.**

Ovo Rješenje stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-1995/23  
Maglaj, 29.11.2023. godine

**PREDSJEDAVALA**  
**Aida Bašić s.r.**

**AKTI OPĆINSKOG NAČELNIKA****457.**

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 42. Statuta Općine Maglaj („Službene novine Općine Maglaj“, br. 8/07, 3/08 i 6/08), člana 21. Odluke o izvršavanju Budžeta/Proračuna Općine Maglaj za 2023. godinu („Službene novine Općine Maglaj“, broj: 13/22), zahtjeva Rukometnog kluba “Maglaj” broj: 09-2-81/23 od 30.08.2023. godine i Prijedloga Službe za boračko – invalidsku zaštitu, opću upravu i društvene djelatnosti broj: 03-45-1-2863/23 od 30.08.2023. godine Općinski načelnik Maglaj donosi:

**ODLUKU****o odobranju izdvajanja sredstava iz tekuće budžetske rezerve Budžeta/Proračuna Općine Maglaj za 2023. godinu****Član 1.**

ODOBRAVA SE izdvajanje novčanih sredstava u iznosu od 6.000,00 KM (slovima: šest hiljadai 00/100 KM), iz tekuće budžetske rezerve Budžeta/Proračuna Općine Maglaj za 2023. godinu u svrhu isplate pomoći Rukometnom klubu „Maglaj“, a koji se odnosi u sufinansiranju troškova korištenja Sportke dvorane Maglaj, koja je u okviru JU Dom kulture “Edhem Mulabdić” Maglaj, na Razdjelu 11, Organizacioni kod 111 - Jedinostveni organ uprave - Općinski načelnik i to na ekonomski kod:

- 614 311 – 109 JU Dom kulture “Edhem Mulabdić”Maglaj .....= 6.000,00 KM

**Član 2.**

Novčana sredstva iz člana 1. ove Odluke izdvajaju se iz Budžeta/Proračuna Općine Maglaj za fiskalnu 2023. godinu sa Razdjela 11, Organizacioni kod 111, Ekonomski kod 999991/6 Tekuća budžetska rezerva.

**Član 3.**

Obavezuje se JU Dom kulture “Edhem Mulabdić” Maglaj da Službi za boračko – invalidsku zaštitu, opću upravu i društvene djelatnosti uredno dostavi pravdanje doznačenih sredstava u roku od 30 dana od dana doznačavanja sredstava, u suprotnom dužna je vratiti doznačena sredstva.

**Član 4.**

Za realizaciju isplate iz člana 1. ove Odluke zadužuje se Služba za privredu, finansije/financije i razvoj poduzetništva.

**Član 5.**

Ova odluka stupa na snagu danom donošenja i ima se objaviti u Službenim novinama Općine Maglaj.

Broj: 04-11-3-1716/23

Maglaj: 16.10.2023. godine

**OPĆINSKI NAČELNIK**  
**Mirsad Mahmutagić s.r.**



**SADRŽAJ****AKTI OPĆINSKOG VIJEĆA**

449.	ODLUKA o davanju saglasnosti za konačno imenovanje direktora Komunalnog javnog društva d.o.o. Maglaj .....	212
450.	ODLUKA o davanju ovlaštenja punomoćniku za zastupanje Općinskog vijeća Maglaj na Skupštini „KJD“ d.o.o. Maglaj .....	212
451.	ODLUKA o prodaji nekretnine neposrednom pogodbom Jusufbašić (Mahmut) Asimu iz Maglaja, radi oblikovanja građevinske parcele .....	212
452.	ODLUKA o izmjenama i dopuni Odluke o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lerzolita na ležištu “Klanci” K.O. Strupina, općina Maglaj .....	214
453.	ODLUKA o usvajanju djelimične Izmjene Regulacionog plana „NOVI ŠEHER ”.....	214
454.	ODLUKA o pristupanju djelimičnoj izmjeni Regulacionog plana “Maglaj Centar – južni dio“ .....	215
455.	RJEŠENJE o konačnom imenovanju člana Upravnog odbora JU “Dom zdravlja” Maglaj .....	216
456.	RJEŠENJE o imenovanju Komisije za nadležnost koordinacije i praćenje efekata provedbe propisa, pružanja komunalnih usluga i cijena prema krajnjim korisnicima .....	217

**AKTI OPĆINSKOG NAČELNIKA**

457.	ODLUKA o odobravanju izdvajanja sredstava iz tekuće budžetske rezerve Budžeta/Proračuna Općine Maglaj za 2023. godinu .....	218
------	---	-----